

寿世保元 巳部卷六

六 眼目

十 喉痺

子 甲 五

三 牙齒

十 结核

二 齒唇

十 癰瘡

二 以舌

十 肺癰

八 鼻病

十 肺痿

十 耳病

十 心漏

二 面病

以 鬚髮

七 頭痛

校正醫林狀元壽世保元已集卷之六

廣順堂藏版

太醫院吏目金谿雲林龔廷賢子才編

男龔定國校

# 頭痛

脉頭痛短瀉應須死浮滑風痰必易除寸口緊急或短或浮或弦皆主頭痛  
 夫頭者諸陽所聚之處也諸陰至頸而還惟足厥陰有絡上頭至巔頂其脉浮  
 緊弦長洪大者屬風熱痰火而致也其脉微弱虛濡者屬氣血兩虛必丹田  
 竭而髓海空為難治也甚有真頭痛者脉無神而腦中劈劈痛其心神煩亂  
 為真頭痛也旦發夕死夕發旦死蓋頭痛暴起者如鼻塞發熱惡寒乃感冒  
 所致也其曰頭痛者有虛有火有痰厥頭痛者有偏有正蓋左邊宜小柴胡  
 湯加川芎當歸防風羌活其偏於右邊頭痛者補中益氣湯加白芷獨活蔓  
 荆子酒芩其肩稜處痛者二陳湯加酒炒片芩羌活薄荷其腦頂痛者官人

壽世保元



參敗毒散加川芎藁朮酒炒黃柏木瓜紅花酒炒大黃

○一論一切頭痛主方不問左右偏正新久皆効

清上燭痛湯

當歸酒洗一錢 小川芎一錢 白芷一錢 細辛三分 羌活一錢 獨活一錢

蔓荊子

五分 蒼朮米泔浸一錢 麥門冬一錢 片苓酒炒一錢 菊花五分 甘草生三分 防風一錢

右剉一劑生姜煎服

一左邊痛者加紅花七分 柴胡一錢 龍膽草酒洗七分 生地黄一錢

一右邊痛者加黃芪一錢 乾葛八分

一正額上肩稜骨痛甚者食積痰壅用天麻五分 半夏一錢 山查一錢 枳實一錢

一當頭頂痛者加藁朮一錢 大黃酒洗一錢

一風入腦髓而痛者加麥門冬一錢 蒼耳子一錢 木瓜荆芥各五分

一氣血兩虛常有自汗加黃芪一錢 人參五分 白芍一錢 生地黄各一錢

○一論年深日近偏正頭痛又治肝臟久虛血氣衰弱風毒之氣上攻頭痛頭

眩目暈怔忡煩熱百節酸痛腦昏目痛鼻塞聲重項背拘急皮膚瘙癢面上

遊風狀若蟲行及一切頭風兼療婦人血風攻注頭目昏痛並皆治之

追風散

防風去芦一兩

荆芥穗兩

羌活錢五

川芎一兩

白芷五錢

白僵蚕炒一兩

天麻錢五

石膏煨一兩

白附子炮五錢

地龍錢五

全蝎去毒尾五錢

天南星炮二兩

川烏炮去皮一兩

草烏炮去皮尖一兩

雄黃二錢五分

乳香二錢五分

沒藥二錢五分

甘草炙一兩

右為細末每服五分茶湯調食後臨卧服清頭目利咽膈消風化痰

○一論痰厥頭痛其症眼黑頭旋惡心煩悶氣短促上喘無力以言心神顛倒

目不敢開如在風雲中頭苦痛如裂身重如山四肢厥冷不得安卧此乃胃

氣虛損停痰而致也

半夏白朮天麻湯

黃柏酒洗一分半

乾姜炒一分

澤瀉

白茯苓去皮

黃芪蜜炒

天麻

人參

蒼朮米泔浸炒各三分半

白朮去芦炒

半夏姜炒

陳皮

神曲

右劉生姜三片水煎熱服可一劑而愈

○一論頭痛偏左者屬血虛火盛也

加味四物湯

當歸

生地黃

川芎

黃柏酒炒

蔓荊子

知母酒炒

黃芩酒炒

薄荷



黃連酒炒 梔子炒 黃柏各等分 右剉一劑水煎溫服 〇風盛加防風煎

〇一論頭痛偏右者屬痰與氣虛也

黃芪益氣湯 黃芪五錢 人參 白朮去苦 陳皮 半夏姜汁炒 當歸酒洗

藁本 川芎 升麻 甘草炙各五 黃柏酒炒 細辛各三分 右剉一劑煎服

〇一論頭左右俱痛者氣血兩虛也

調中益氣湯 黃芪二錢 人參 甘草炙 蒼朮米泔浸炒 川芎各六分 升麻

蔓荊子 柴胡 陳皮各三分 黃柏酒炒 當歸各六分 細辛二分 右剉水煎

〇一論偏正頭風一切頭痛諸風眩暈頭目昏重

都梁丸

香白芷切碎晒乾 爲細末煉蜜爲丸如彈子大每服一丸荊芥點臍茶細

〇一論眉稜骨痛者風熱并痰也

選奇湯 羌活 防風各一錢 酒片苓一錢五分 半夏姜汁炒

甘草一錢 右剉一劑水煎服

生冬川炙

○一論雷頭風者頭痛而起核塊也頭面疙瘡憎惡發熱拘急狀如傷寒

升麻湯

升麻

蒼朮

米泔浸

薄荷葉

各等分

右剉水煎服

○一譚侍御但頭痛即吐清水不拘冬夏吃姜便止已三年矣余作中氣虛寒

用六君子加當歸黃芪木香炮姜而瘥

○一論頸項強急筋痛不能回顧者

烏藥順氣散加羌活獨活木瓜

○一治偏正頭痛頭風

羌活

白芷

細辛

川芎

蔓荊子

薄荷

防風

甘草 各等分

右為細末每服二三茶匙白湯調下

○一人頭痛發熱眩暈喘急痰涎壅盛小便頻數口乾引飲遍舌生刺縮歛如

荔枝然下唇黑裂面目俱赤煩燥不寐或時喉間如烟火上衝急飲涼茶少

解已至于死脉洪大而無倫且有力捫其身烙手此腎經虛火遊行于外投

以十全大補加山茱澤瀉牡丹山藥麥門五味附子一鍾熟睡良久脉症略

減三四再以八味丸服之諸症悉退後畏冷物而痊



○一論頭風腫痛偏正不拘

用艾搥爛鋪紙上將快捲成筒次將黃蠟融化灌入筒內以滿為度於邊痛將藥燒烟入右耳右薰左即安

○一論半邊頭痛

祛痛膏

防風 羌活 藁本 細辛 菊花 各五分 南星 草烏 白芷 各一錢

右為細末用連鬚葱一把洗淨同前藥搗成膏銅鍋頓熱量痛大小以油紙攤藥貼痛處周圍以生麪糊封之再用乾帕包定其痛即止○一方加菊花獨活各一錢五分草烏一錢麝香一分

### 鬚髮

醫者所論人鬚髮眉雖皆毛類而所主五臟各異故有老而鬚白眉髮不白者或髮白而鬚眉不白者臟氣有所偏故也大率髮屬於心稟火氣故上生鬚

屬於腎稟水氣故下生眉屬於肝故側生男子腎氣外行上為鬚下為勢故  
女子宮人無勢則亦無鬚而眉髮無異於男子則知不屬腎也明矣

婦人無鬚無血氣乎岐伯曰今婦人之生有餘氣氣不足于血衝任之脉不榮  
唇口故鬚不生

宦者其鬚獨去其故何也曰宦者傷其宗筋血泄不復皮膚故鬚不生

天宦未嘗被傷其鬚不生其故何曰天宦稟賦不足宗筋不成故鬚不生

天下第一烏鬚方 閣老高中玄傳

五倍子一斤擇整箇者箇搥破去蟲土擇粗者如黃豆大次者如赤豆

大又次者如菜豆大分三樣入新鍋內炒如栗殼色以青濕布包之以脚

踏成餅晒乾為末錫罐盛貯築實封口勿令泄氣聽用

紅銅末半斤淘去皮土見清水令乾入鉄鍋內炒大熱傾入醋醋少半碗

拌勻濕透再炒入醋七次研為末羅過以綿紙另包聽用

白礬

四兩為末另包

皂礬

四兩為末另包

白芨

四兩切焙乾

研為細末紙包



右每遇染髮時量髮髻多少用藥加五倍子九錢銅末一錢八分白礬白芨  
皂礬各九分再加食鹽九分共入于碗內再研極細入小銅杓內以濃茶瀉  
調如稀糊放木炭火上徐徐熬之不住手攪勻熬成稠糊爲度預先以肥皂  
水洗淨髮髻待乾以搥子挑藥乘熱塗髮髻上用油紙兜住外用烏帕包裹  
至頂解衣護枕而睡至半夜驗藥將乾用手搜去殘藥如乾甚用茶瀉濕潤  
去藥至天明洗面略洗髮髻如面上有黑處以指蘸香油塗摩卽用軟紙擦  
去油跡染後仍以香油少許潤之卽明黑可觀先一月染上四次後半月染  
一次永不露白

野狐倒上樹

尚書劉三川傳

黑鉛四兩

汞二錢

右先將鉛化成汁後入汞凝成葉子剪成錢樣外用鉄絲穿作二三串聽用  
再用大磁罐一箇入無鹽好醋三碗將鉛錢入罐內懸於醋上離醋二指內  
泡卷栢二箇鴨嘴礬四錢用磁碟封口蓋之再用黃泥封固夏月日中晒  
七日冬月糠火煨七日出罐底摘一孔出醋不用揭起碟交掃下藥霜來用

脂皮包住收之臨用藥時將鬚髮用溫水洗淨就濕再用脂皮包手指拈藥霜粘在鬚髮上自然黑到根神效切忌香肥皂水洗

烏鬚方 刺史周如梅傳

宮粉一兩二分 白礬三錢 白石灰二錢 樟腦二分 麝香一分 輕粉三分

百草霜八分 水銀一錢  
先將鉛一錢化開入水銀結成砂子

右為末用鹹水和熬滾塗鬚髮上燒半炷香即洗去

青雲獨步丹 烏鬚黑髮延年益壽

赤白何首烏共一斤 用黑豆三升 半煮汁浸何首烏一晝 當歸身酒洗

赤茯苓半斤 用牛乳夜去汁 水將豆半斤 烏木既內蒸 浸五次 補骨脂酒炒 甘枸杞酒浸

兔絲子半斤 酒浸蒸 懷牛膝甘草水 懷生地黃酒浸入砂仁

真沒藥兩五錢 去砂七 懷牛膝甘草水 懷生地黃酒浸入砂仁

右忌鐵器晒乾為末煉蜜為丸如梧子每服三十九空心酒下午間薑湯下

臨臥鹽湯下忌三白

壽世保元



造酒烏鬚方 本府麥推府傳

懷生地黃四兩大當歸二兩小紅棗肉三兩赤白何首烏各一斤煮水製邊地黃勿犯鐵器

真生姜汁四兩麥門冬二兩去心胡桃三兩甘枸杞二兩蓮肉三兩土蜜兩

右先用酒洗淨地黃將何首烏水去渣入地黃煮候乾再用薑汁水煨乾為

度便將地黃搗爛以一官半糯米水十二斤作酒麪藥如常候酒漿來方以

水調勻地黃入酒槽內過三日去糟將前藥切片入絹袋中懸酒罈內箬殼

包封毋令出氣放鍋內煮三炷香為度後以酒罈埋土中三宿去火毒任意

烏鬚秘方用龜尿 研墨塗鬚烏立時 要取龜尿亦有法

猪鬃刺鼻龜卽尿

烏鬚秘方

用馬蝗蟻尋起數條帛包要用時將雞血或猪血將馬蝗入血內令食飽

針出血同龜尿同研墨濃塗鬚髮上可烏一月乃烏鬚第一方也

烏鬚神妙方 本府蘇通府傳

五倍子

炒黑為末

銅末 一錢

白炭 末八分

食鹽 三分

柯子 末三分

沒石子

末三分

白礬 三分

黑礬 三分

細辛 末三分

右為細末熟茶調稀重湯煮入黑礬再煮而上生光搽鬚上油昏裏立黑

烏鬚狐狸倒上樹

周賓崇傳自蜀中得來

山茄要極黑者收約有八九升來去蒂以夏布包洗去漿水將山茄扭自

然汁四五碗入上好好墨四五錢打碎黑礬四五錢二味俱入山茄汁內

貯新瓦罐中每用將竹片蘸藥汁于鬚髮上自尾倒上切莫粘肉上則洗不去

○一論烏鬚生髮良方

蒲公英

摘淨切

血餘

洗淨

青鹽

四兩研

右用磁罐一箇盛蒲公英一層餘血一層青鹽一層鹽泥封固淹春秋五日

夏三日冬七日桑柴火煨令烟盡為度候冷取出碾為末每服一錢侵調下

○一儒者因飲食勞役及惱怒鬚髮脫落余以為勞傷精血陰火上炎所致用

補中益氣加麥門冬五味及六味地黃丸加五味鬚髮頓生如故

○一男子年二十頂髮脫落盡用六味地黃丸不數日髮生寸許兩月復舊

○一史萬湖云有男女偶合眉髮脫落無藥調治至後數月復生

# 面病

難經云人面獨能耐寒者何也蓋人頭者諸陽之會也諸陰脉皆至頸項中而還獨諸陽脉皆上至頭而足陽明胃之經起鼻交額中入齒中挾口環唇倚頰車上耳前過客主人穴其或胃中風熱或風熱乘之令人面腫或面鼻色紫風刺癢疹或面熱面寒隨其經症而治之

○一論面寒者陽明經虛寒也

升麻附子湯

升麻

葛根

白芷

黃芪

各七分

大附子

炮七分

人參

草豆蔻

各五分

益智仁

三分

炙草

五分

右剉一劑連鬚葱白二根水煎溫服

○一論面熱者陽明經風熱也

升麻黃連湯

升麻

葛根

各一分

白芍

七分

川芎

四分

薄荷

三分

黃連

酒洗五分

荆芥

三分

蒼朮

八分

酒芩

六分

犀角

四分

白芷

二分

甘草

五分



右剉水煎食後服

○一論面生瘡者上焦火也

清上防風湯

防風一錢

荆芥五分

連翹八分

山梔五分

黃連五分

薄荷五分

黃芩

酒炒七分

川芎七分

白芷八分

桔梗八分

枳殼五分

甘草三分

右剉一劑水煎入竹瀝同服

○一論面唇紫黑乃陽明經不足也

升麻白芷湯

升麻

防風

白芷

各一錢

芍藥

蒼朮

各三分

黃芪

人參

七分

葛根

一錢半

甘草

四分

右剉一劑

姜棗煎服

宜早後午前取

天氣上升於中使陽達於面也

○一論面生粉刺者肺火也

清肺飲

蓮翹

川芎

白芷

黃連

黃芩

荆芥

桑皮

苦參

山梔

貝母

甘草

右剉水煎臨臥服

○一點瘡方

以巴豆七箇石灰等分為末以鹹水搜在盞內藏糲

米於巴

豆石灰內俟米爛將瘡用針撥動以米膏點之絕三日不洗自然脫落

○一起字出青方 礮石灰 紫蓼灰各一錢 人參五錢 錢二錢 加百莖灰

○一 疎蓼灰各一兩 右為末水調寫字上有泥起拂去再上

○一出刺青方 馬肉不拘多少儘令蒼蠅作壞生蛆出晒乾為末以針撥

動青處搽藥其青自出

○一 抓破面皮 用生薑自然汁調輕粉擦患處更無痕迹

○一 洗面方 每早以漱口水吐在手掌中洗面久久自光潤粉刺自消

○一 治赤紅爛臉 水銀一錢 柏油蠟一錢 共搗塗之

○一 治面上瘡鼻酒刺 雄黃一錢 硫黃五分 鉛粉一錢

右共為末乳汁調塗晚上敷次日溫水洗之如此三上去矣

# 耳病

脈兩寸脈浮洪上魚為溢兩尺脈短而微或大而數皆屬陰虛法當補 雲南陽

左寸洪數心火上炎兩尺脈洪者或數香相火上炎其人必遺精

交兩耳蟬鳴或聾

耳者屬腎而開竅於少陽之部通會於手三陽之間坎離交則聚氣以司聽以善聽也關於腎而貫於腦內經曰五臟不和則九竅不通其耳鳴耳痒耳聾者皆屬腎虛水不上流清氣不升所致也從補益門治之其壯年及小兒耳腫耳痛耳停乃三陽風熱壅遏所致也宜升陽散火湯加黃柏知母晚間兼服金花丸可矣

一論思慮煩心而神散精脫於下則真陰不上泥丸而氣不聚故耳鳴耳聾不聽及耳內痒

安神復元湯

黃芪蜜炒一錢五分 人參一錢五分 當歸酒洗一錢五分 柴胡一錢 升麻五分 黃連酒炒一錢

黃芩酒炒一錢 黃柏酒炒一錢 知母一錢 防風一錢 蔓荊子七錢 麥門冬一錢

茯神一錢 酸棗仁炒錢五分 小草一錢 甘草五分 甘枸杞子一錢五分

右剉一劑圓眼肉三枚水煎服



○一論勞聾氣聾風聾虛聾毒聾久聾耳鳴勞聾者勞火鼓其聽戶也氣聾者經氣滯塞於聽戶也風聾者耳熱閉其聽戶也虛聾者氣血虛耗而神不用也毒聾者膿血障礙妨於聽戶也久聾者病非一日邪氣壅塞也凡是聾者勢必耳鳴故總繫其耳鳴也

千金補腎丸 當歸 酒洗 白芍 酒炒 懷生地黃 酒蒸 黃芪 蜜炒 人參 乾薑

山茱萸 酒蒸 白茯苓 去核 兎絲子 酒製 大附子 炮去 皮臍 牡丹皮 蛇床子 澤瀉

肉蓯蓉 巴戟 去心 遠志 去心 桂心 細辛 甘草 各二石斛

石菖蒲 一兩 防風 一兩 羊腎 二枚 共二十三味 西園公加山藥二兩 殊効

右為細末煉蜜為丸如梧子大每服十五丸加至三四十九鹽湯下

○一論虛火上升痰氣鬱於耳中或閉或鳴痰火熾盛或憂鬱痞滿咽喉不利煩燥不寧

通明氣湯

木 鹽水炒 白朮 去芦炒 撫芎 八分 陳皮 鹽水浸 香附 童便炒

栝 酒炒 二錢 梔子仁 炒 貝母 三錢 生地黃 姜汁 黃連 一錢半 酒浸 者胆汁炒

玄參 酒洗

木香 五分

檳榔 一錢

粉草 條四

黃芩 一錢半 酒浸 猪胆拌炒

右剉二劑生薑水煎入竹瀝同服

○一論陰虛火動而耳聾或鳴者

六味地黃丸 見補益 依本方加黃柏知母石菖蒲遠志去心屢驗

○一治耳鳴主方

黃連

黃芩

梔子

當歸

陳皮

膽星 銼 香附 分八 龍膽草 分八 玄參 七分 青黛

木香 各五分 乾薑 炒黑 三分

右剉一劑生薑三片煎七分入玄明粉三分痰盛加五分食後服如作丸子

加麝香 五分 麝香 二分 為末神麴糊為丸每服五十九淡姜湯送下如腎虛

而鳴者服六味地黃丸

○一論耳主風者耳腫作痛牙關緊急乍寒乍熱飲食不下是也

射干散 苦竹吳紹源傳 升麻 桔梗 射干 昆布 連翹 甘草

右剉水煎熱服汗出立愈并治面腫牙痛咽喉痛神効

○一治耳鳴如流水聲耳痒及風聲不治久成聾

生烏頭一味掘得乘濕削如棗核大塞耳且易夜易不三日愈

○一論寒藥治耳聾殊効 石膏蒲一寸 巴豆一錢全蝎一个去足尾

右為末葱涎為丸如棗核大綿裹塞耳即通

○一論寒藥專治耳聾或因病因氣及感風邪而聾者若年老而聾者不治

蚯蚓去土陰乾為末七分麝香三分用葱截寸許塞藥于內左聾塞右耳右

聾塞左耳左右俱聾兩耳俱塞

○一治耳聾 通靈丹 安息香一錢桑礬一錢硝五分阿魏一錢朱砂五分

革麻子仁七個 巴豆仁七個 獨蒜七個

右為細末入二仁與蒜同研為丸如棗核大每用一丸綿裹入耳內覺微痛即去

○一論停耳生膿并黃水

紅綿散 枯白礬五分乾胭脂粉二分麝香少許片腦一分熟燼五分甘石五分

右為細末先以棉杖子展乾濃水另將鵝翎管子送藥入耳底○一方用蛙

竹粉易礬甘亦効



○治耳卒腫出膿水 用枯礬為末以筆管吹耳內三四次或以綿裹塞

○治上熱耳出濃汁 甘草炙升麻 木通 赤芍 桑白皮炒 生地黄

赤茯苓 蔓荊子 前胡 甘菊花各等分 右剉薑棗煎服

○一治人耳如蟬鳴服四物湯耳鳴益甚此元氣虛損之症五更服六味丸食

前服補益氣湯頓愈此症若血虛而有火用八珍湯加山梔柴胡氣虛而有

火四君子湯加山梔柴胡若因怒即聾或鳴實用小柴胡加芎歸山梔虛用

補中益氣湯加山梔午前甚用四物加白朮茯苓久用補中益氣午後甚用

○一論治人因怒耳鳴吐痰作嘔不食寒熱脇痛用小柴胡合四物加山梔

苓陳皮而瘥

○一論耳鳴因虛火妄動心神不寧以益氣湯去柴升參芪加半夏茯苓川芎

白芍竹茹黃柏黃連天麻蔓荊子細辛

○一論耳中常鳴生地黄截塞耳數易之以瘥為度○一法以紙裹灰火中煨

之用良

言世傳... 〇一治耳中肺火盛腎氣虛以四物湯四錢黃柏三錢重煎空心服

〇一寡婦耳內外作痛不時寒熱脉上魚際此血盛之症用小柴胡湯加生地

黃以抑其血而愈又項間結核如貫珠寒熱用加味歸脾湯加味道遙散調

補脾肝而愈

六味丸見補益補中益氣湯方見內傷八珍湯方見補益四君子湯方見補益

四物湯方見補益小柴胡湯 加味道遙散 加味歸脾湯 方俱見婦人經

〇一專治耳鳴耳聾

獨勝丸 川黃柏去皮八兩入乳拌勻晒乾再用鹽水炒褐色

右為細末水糊為丸如梧子大每服百丸空心鹽湯送下

〇一治耳內腫痛膿血出

白礬枯末入麝香少許吹耳中日三四度或綿裹塞耳中立瘥

〇一治耳聾 細辛為末又以前黃蠟為丸如鼠糞大綿裹塞耳中附中七壯

〇一治氣道壅塞兩耳聾聵

用甘遂如棗核大棉裹塞耳中却以甘草放口內隨嚼又宜生葱白塞耳  
內頻換即通

# 鼻病

脉右手脉浮洪而數為鼻衄鼻淵○左手脉浮緩為傷風鼻塞鼻流清涕  
夫鼻者肺之候時常和則吸飲香臭矣若七情內鬱六淫外傷飲食勞役之過  
則鼻氣不能宣調清道壅塞即為病也為衄血為塞為瘡瘍為室塞不  
通為濁涕不聞香臭此皆臟腑不調和氣鬱於鼻而清道壅塞矣寒則溫之  
熱則清之塞則通之壅則散之可也

○一論肺熱鼻流濁涕室塞不通又治鼻不聞香臭

神愈散

細辛白芷與防風

羌活當歸半夏芍

桔梗茯苓陳皮輩

十般等分剉和同

三錢薄荷姜煎服

氣息調勻鼻室通

○一治腦漏

防風

荆芥

獨活

連翹

藜蘆

辛荑



甘草 細辛 牙皂 石菖蒲

右剉水煎服如數服未効可將後藥三味為末棉裹塞鼻內即効

○一論鼻流濁涕不止者名曰鼻淵乃風熱在腦傷其腦氣腦氣不固而液自

蒼耳散 白芷一兩 辛荑仁一錢 蒼茸炒一錢 薄荷五分 右剉水煎服

○一論鼻中流出臭膿水名曰腦漏

辛荑散 辛荑花錢一 黃芪錢一 人參錢一 當歸錢一 白芍錢一 川芎錢一 白芷一錢

細辛分 黃芩酒炒一錢 甘草六分 右剉一劑燈心三十根水煎食遠服

○一治頰疔或鼻疔 乳香 沒藥各五分 孩兒茶一錢 雞腔脰炒黃色一錢

右為末擦患處

○一老人鼻中流涕不乾 獨蒜四五個搗如泥貼腳底心下用紙貼之其涕再不發

○一男子酒齏鼻 雄猪胆 每日早以好酒調服一箇不過半月如舊

○一治糟鼻腫方

用硫黃為細末甚者加草烏尾為末以酥油調稀塗患處如覺痛苦用梔

子煎湯服之或洗藥處即愈

○一論鼻赤久不瘥用大黃芒硝檳榔等分為末水調敷患處三四次洗淨以新銀杏去殼嚼爛敷於鼻上不過五七次復舊

○一治赤鼻 檳榔為片將茹汁浸晒一二次為末而上紅壘流黃以人乳

浸滿碗頓入湯鍋煮乾先須用唾濕鼻方抹藥末

○一論鼻淵頭眩

清泥丸歛神湯

人參

防風

麥門冬法當歸頭

桔芩

酒炒小草

黃連

酒炒各一錢

蔓荊子八分

升麻三分

生甘草三分

明天麻

半夏

製各七分

右剉水煎食遠服

○腦漏者加蒼耳子

二錢

黃芪

一錢

○一論鼻流涕久而不愈乃成腦漏必因虧損元陽以致外寒內熱甚則有滴

下腥臭之惡者也知保養服藥方可

加味防風湯

防風

片苓

酒炒一分

人參

一錢

白芨

一錢

麥門冬

去心二錢生甘草五分知母一錢

白芍一錢 懷生地酒洗一錢 黃柏酒炒一錢 黃芪一錢 黃連酒炒一錢 當歸頭一錢 百合一錢

右剉水煎食遠温服

○一論鼻涕長流名鼻淵也

當歸 川芎 白芷 人參 白茯苓 蒼耳子 香附子 酪天竺 黃三錢

防風 秦荒 荆芥 薄荷 麥門冬 蔓荆子 甘草各一兩

右為細末煉蜜為丸如梧子大每服三四十九米湯下

○一男子面白流清涕不聞馨穢三年矣用補中益氣湯加麥門山梔而愈

○一論色慾太過虛損白濁鼻熱出清涕如泉湧者

補中益氣湯方見內傷 依本方加黃柏知母白芷細辛藁本五味子白芍辛荑

蒼耳葉水煎温服

○一論肺虛為四氣所干鼻內壅塞涕出不已或氣息不通或不聞香臭

川芎 白芷 細辛 藁本 防風 木通 辛荑仁 甘草

右剉水煎温服



○一治鼻中肉贅異不可近痛不可搖以白礬末加硃砂少許吹其上頃之化水而消與勝濕湯合瀉白散二劑此味厚攤濕熱蒸於肺門如兩生之菌也

○一治鼻中肉贅 用藕節有毛處一節燒灰存性為末吹患處立瘥

○一治血熱入肺名曰酒瘡鼻 此方主之 苦參淨末四兩 當歸淨末二兩

右和勻酒糊為丸如梧子大每服七八十九食後熱茶下

○一治鼻疳爛通鼻孔 予治陳都憲夫人患此得効

鹿角一兩 白礬一兩 俱放在瓦上隔火煨過 人頭髮五錢在燈火上燒過

右為末先用花椒湯洗淨摻藥於疳上三四次即愈如瘡不收口用瓦松燒

灰存性研末乾摻之即收

○一人酒瘡鼻紅赤予用此方晚服用六味地黄丸全料加當歸二兩苦參四

兩空心服不兩月而愈

金花丸 黃連二兩 枯苓二兩 黃柏二兩 梔子一兩 大黃一兩 酒九次 桔梗二兩 白粉葛二兩

右為細末井水糊丸如梧子大每服七八十九白溫水下

# 口舌

脉左寸洪數心熱口苦○右寸浮數肺熱口辛○左關弦數而虛膽虛口苦甚  
洪而實肝熱口酸○右關沉實脾胃有實熱口甘兼洪數者口瘡或爲重舌  
木舌脉虛者中氣不足口舌若服涼藥不愈者宜理中湯

夫口舌之爲病或爲重舌木舌或爲糜爛生瘡之類經云肝熱則口酸心熱則  
口苦脾熱則口乾肺熱則口辛腎熱則口鹹有口淡者胃熱也口臭者乃臟腑  
燥腐之氣縕積於胸臆之間而生熱衝發於口也口瘡者脾氣凝滯加之風  
熱而然也治當以清胃瀉火湯主之此正治之法也如服涼藥不已者乃上  
焦虛熱中焦虛寒下焦陰火各經傳變所致當分別而治之如發熱作渴飲  
水口瘡者上焦虛熱也補中益氣湯主之如手足冷肚腹作痛大便不實飲  
食少思口瘡者中焦虛寒也附子理中湯主之如晡熱內熱不時而熱作渴  
痰唾小便頻數口瘡者下焦陰火也六味地黃丸主之如食少便滑而黃腹

冷火衰土虛也八味丸主之若熱來復去晝見夜伏夜見晝伏不時而動或無定處若從腳起乃無根之火也亦用八味丸及十全大補湯加麥門五味更以附子末唾津調搽湧泉穴若槩用涼藥損傷生氣為害匪輕

○一論心肺纏熱口瘡咽痛隔悶小便淋濁不利

清金導赤散 黃連 黃芩 梔子 木通 澤瀉 生地黄 麥門甘草

右剉一劑生姜三片水煎食後頻服

○一論上焦實熱心胃二經之火而作口舌生瘡腫痛者并咽喉牙齒耳面腫痛皆效

清胃瀉火湯 連翹 桔梗 黃連 黃芩 梔子 乾葛 玄參

升麻 生地黄錢一 薄荷五分 甘草三分 右剉水煎頻頻溫服

○一論飲酒過度舌本強腫言語不清此脾虛濕熱以益氣湯加神曲麥芽乾葛厚瀉

一論上焦虛熱發熱作渴飲食勞則體倦此內傷氣血而作口舌生瘡者宜

補中益氣湯方見內傷 依本方加麥門冬五味子

○一論中焦虛寒手足冷肚腹痛大便不實飲食少思而作口舌生瘡者以



附子理中湯

方見中寒 依本方

○一論晡熱內熱不時而熱作渴痰唾小便頻數而作口舌生瘡者此下焦陰火也以

六味地黃丸方見補益 依本方

○一論如食少便滑面黃肢冷如作口舌生瘡者此火衰土虛也以

八味丸方見神益 依本方

○一論若熱來復去晝見夜伏夜見晝伏不時而動或無定處而作口舌生瘡

者若從脚起乃無根之火也以

八味丸及十全大補湯方見補益 依本方加麥門冬五味子

○一論口瘡臭氣穢爛久而不瘥者用黃栢五錢青黛三錢五分爲末每用一錢

於舌上津嚥下

○一論口瘡用黃連川椒等分爲末每少許搽瘡上噙漱良久以涼水嗽嚥咽

喉有瘡加孩兒茶

○一治口舌生瘡

加味陰陽散

黃連

乾薑

青黛

孩兒茶

各等分

右為末每用少許摻患處立效。一方用五倍子為末摻瘡上即愈。

○一治口瘡良方 徐杏庄老師傳

生白礬

一錢

朱砂

二分

右共為末敷上立愈

○一論口舌生瘡咽喉腫痛咳嗽痰涎清聲潤肺寬膈除熱

上清丸

黃濱江傳

百藥煎

四兩

薄荷

淨末四兩

砂仁

二兩

訶子

五錢

桔梗

五錢

甘松

五錢

寒水石

二兩

玄胡粉

五錢

硼砂

五錢

片腦

一錢

右為末甘草熬膏丸如梧子大每服三五丸茶清下

○一論口瘡連年不愈者此虛火也

玄門丹

天門冬

去心

麥門冬

去心

玄參

各等分

右為細末煉蜜為丸如彈子大每服一丸嚙化下

○一人口內如無皮狀或咽喉作癢喜熱飲食此中氣真寒而外虛熱也用加

減八味丸而愈

○一人舌腫舒出口外舌者心之苗又脾之經絡連舌本散舌下其熱當貫於  
心脾二經經所謂熱勝則腫也用單麻子去殼帛裹搥出油透帛作燃燒烟  
薰之而愈本草云草麻主浮腫惡氣取油塗之葉主風腫不仁搗蒸敷之則  
其能解風腫內熱也可知矣

○一人胃弱痰盛口舌生瘡彼服滾痰丸愈盛反瀉不止惡食倦怠此胃氣被  
傷也予以香砂六君子湯數劑少可再以補中益氣湯加茯苓半夏而愈反  
胃氣不足飲食不化亦能爲痰補中益氣乃治痰之法也苟虛症而用峻利  
之劑鮮不危哉

○一人脾胃虛服養胃湯枳朮丸初有效而久反虛口舌生瘡勞則愈盛此中  
氣虛寒用理中湯少愈更以補中益氣湯加半夏茯苓而安夫養胃湯香燥  
之劑也若飲食停滯或寒滯中焦服則燥開胃氣宿滯消化最爲近理使久  
服則津液愈燥胃氣愈虛况胃氣本虛而用之豈不反甚其病哉亦有房勞  
過度真氣衰敗或元氣不足不能上蒸中州不運致飲食不進者以補真丸



治之若丹田之火上蒸脾土脾土溢和中焦自治飲食自進何口瘡之不愈哉

○一人舌青黑有茨乃熱劇也良由思慮過度怒氣所得病者要將舌來土壁

上貼之方好予製此方即効

清心散

赤茯苓

去皮一錢酸棗仁

一錢

麥門冬

去心一錢遠志

甘草水泡五分黃連

胡麻仁

一錢

枳壳

去穢八分

小木通

八分

小甘草 三分 右劉水煎服

○一男子口臭牙齦赤爛腿膝痿軟或用黃栢等藥益甚時或口鹹此腎經虛

熱以六味左悉愈

○一治口瘡喉痛牙疼妙藥 陳上余傳

硼砂

一錢孩兒茶

二錢雄黃

二錢青黛

一厘玄明粉

一厘胡黃連

右共研末擦上

○一香菇治口氣甚捷益口臭是脾有鬱火溢入肺中失其清和甘爽之意而

濁氣上干故也

○補舌唇方 賈蘭峰傳

用鮮蟹燒灰每一錢用乳香沒藥各二分半塗之即生肉如去多唇舌用川烏草烏爲末攤帛一條以涼水調合貼之即不覺痛可用刀取如流血以陳石灰塗之愈後舌根硬用白雞冠血點之即軟

○一生舌方

用活蟹一箇炙乾爲末收之如遇此患敷上合口即已

○一治舌上腫硬

用百草霜海鹽等分爲末并花水調敷患處○又宜真蒲黃末頻搽舌上內以黃連一味煎湯服以瀉心火

○一治舌長過寸研冰片敷之即收

○一治舌無故出血如泉槐花炒爲末搽之立止

○一治舌忽脹出口外俗云是蜈蚣毒用雄雞冠血一小盞浸之即縮

○一舌吐不收名曰陽強

○一舌縮不能言名曰陰強

○一男子舌常破而無皮狀或咽喉作痛服清咽利膈散愈甚予以

理中湯治之乃愈

# 繭唇

內經云脾氣通於口又云脾之榮在唇蓋燥則乾熱則裂風則潤寒則揭苦唇腫起白皮皴裂如蚕繭名曰繭唇有唇腫重出如繭者有本細末大如繭如痛者或因七情動火傷血或因心火傳投脾經或因厚味積熱傷脾大要審本病察兼症補氣脾生脾血則燥自潤火自除風自息腫自消若患者忽略治者不察妄用清熱消毒之藥或用藥線搗去皮反為翻花敗症矣

○一論肝經怒火風熱傳脾唇腫裂或患唇繭唇

柴胡清肝散 柴胡 黃芩炒各一錢 黃連一錢 山梔七分 當歸一錢 川芎六分

生地黃二錢 升麻二錢 甘草二分 牡丹皮一錢五分

右剉一劑水煎食後頓服若脾胃弱去芩連加白朮茯苓

○一論陰虛火動唇燥裂如繭

濟陰地黃丸 熟地黃 山茱萸酒蒸乾 山藥 遼五味子 麥門冬



肉苳蓉

當歸 酒洗

甘枸杞子

甘菊花

巴戟肉 各等分

右為細末煉蜜為丸如梧子大每服百丸空心白湯送下

○一論中氣傷損唇口生瘡或齒牙作疼惡熱發寒肢體倦怠食少自汗或頭痛身熱煩燥作渴氣喘脉大而虛或微細軟弱

補中益氣湯

人參

黃芪

蜜水炒

甘草

各一錢五分

白朮

當歸

橘紅

各一錢

柴胡

升麻

各五分

右剉一劑薑棗煎服

○一論唇緊燥裂生瘡用橄欖燒灰為末以猪油調塗患處立已

○一論冬月唇乾血出用桃仁搗爛猪油調塗唇上即効

# 牙齒

脉右寸關脉洪數或弦而洪腸胃中有風熱齒痛口尺脉洪大而虛者腎虛主

齒動搖疎豁相火上炎而痛

夫牙齒者乃骨之萃也骨乃堅主之則諸經血脉津液皆潤澤清涼矣蓋血旺則涼涼即骨堅固血虛則熱熱則齒浮動入之上唇人中之下牙屬腎脉下前齒屬任脉其兩頤上下及環口皆屬手陽明二經故牙床屬土牙齒猶如木栽土上土涼則根固土熱則焦搖牙即骨也骨不能痛其痛者牙齦筋肉也人食梅多者牙即經麻矮而不能力嚼者非水酸制土則其牙斷肉脫胃火也牙疎脆者腎之相火也經曰諸痛痒瘡瘍皆屬心火緣心火之下陰精承之若承之者不缺何痛之有其牙患之名有風牙蟲牙牙疳牙宣蓋由于火之不齊也故熱則生風風字有叟曰血遇火則沸而出牙宣也熱兼外邪則腫痛真陰未成而熱熾者名曰疳乃潰瘍之速凡爲治者保腎水者知其本清胃火者知其標疎風邪者知其權蓋風藥善通經開腠則是火鬱宜發之義耳修養家常食淡些則血不寧戒慎厚味甘辛香辣則不積火治牙至藥不効時熱之積也蓋因縱慾而陰虛嗜味以爲補而益增其火其目下嗜慾之節乃爲後邊晚景不甚苦於牙也稟陽明火多者易作牙病也凡用椒

薑巴豆蕈撥性熱疎者擦而定痛雖快於一時實乃資邪益深矣戒之戒之  
其小兒牙疳牙痛者恣以甘嗜以味而不知節厚其衣重其綿而不知攝乳  
兒作疳者母之遺熱也烘焙純綿夜煖圍於睡寐况臟腑真陰未成所以爲  
害暴也固不可不留心究明於斯矣○經云腎衰則齒豁精固則齒堅

○一論一切牙齒腫痛皆屬胃經火盛多辛熱厚味及服溫煖之藥是過多  
致胃熱上下牙痛牽引頭腦面熱其齒喜冷惡濕者

加味清胃散

當歸尾

丹皮 升麻

加防風

黃連

生地黄

荊芥

軟石膏

各等分右剉水煎服

若牙齦額半邊痛者加防風白芷羌活細辛

若牙齦脫而血出者加扁柏葉黃芩荊芥梔子

若虛損人牙痛者加黃柏知母人參甘草

若滿口浮而痛不能嚼者加連翹玄參芍藥

小兒牙疳者乳母服加天花粉玄參白芷



醇酒厚味唇齒作痛或齒齦潰爛連頭面頸項作痛者並加犀角連翹甘草

○胃氣齒痛加草豆蔻細辛防風羊脛骨灰去牡丹皮

○一論胃有實熱齒痛或上片痛尤甚者

涼痛飲 連翹 梔子 芒硝 黃芩 薄荷 大黃酒蒸 知母 升麻

石膏 黃連 甘草各等分 右剉水煎服

○一論風牙疼痛 草烏二小米泔水浸去皮炒焦 細辛一小 全蝎稍去 冰片一分

白殭蚕五条炒去嘴 右研勻搽患處開口流涎內服清胃散

○一治風牙腫痛

保牙散 軟石膏一兩 川烏三小 草烏三小 花椒三小

右俱生用為末擦牙漱口吐之立已

○一陳省齋遇一道人治牙痛如神 巴豆去殼 真川椒七粒

先將川椒略焙為末次入巴豆同研極細入紅米飯些須搗研為末如黍

米大每用一丸貼痛處

○一陳恕軒治牙痛不可忍者  
花椒炒 胡椒 白礬牛生 食鹽炒

右各為末合和同研每少許擦痛處吐涎即止

○一治風冷齒痛 白芷 細辛 良姜 藜撥 川椒 香附 蜂房炒

右各等分為末擦牙搗鼻

○一治牙痛方 黑豆一兩炒 鹽六分 花椒五分 生姜六分 連翹六分 艾六分

右白水煎漱口吐去

○一論牙屬腎骨之餘不作痛作痛者乃手足陽明經之火沸血壅牙根齒齦

浮起作痛也宜清胃火為主其牙齒疎脆剝削漸覺齒稀牙蛀去乃屬腎之

真陰虧欠牙不堅實矣宜服六味地黃丸

滋陰清胃固齒丸 善治牙疼且能固齒

山藥末一兩 牡丹皮末一兩 黃栢酒炒末 黃連酒炒末

升麻末二兩 當歸酒洗末 一分 玄參末一兩 乾葛末一兩

右用知母一兩山查肉二兩煎濃湯去渣淨汁煮葛粉為糊又用粥米飯一

蓋研爛和葛粉同又研勻調已上八味末爲丸如菜豆大以水飛過朱砂爲衣晒乾每服三錢食後白湯送下要忌一切厚味姜蒜椒辣諸甜等物

○一治胃經虛熱齒牙作痛者

補中益氣湯

方見內傷

依本方加熟地黃牡丹皮白茯苓白芍藥

○一論齒動作渴屬脾胃虛弱陰火熾盛者

補中益氣湯

方見內傷

依本方加酒炒黃柏知母

○一治每勞心則齒縫腫而不能咀嚼此元氣虛弱也

補中益氣湯

方見內傷

依本方

一論齒浮作痛耳面黑色口乾作渴日晡則劇此脾虛也用益氣

湯加減八味丸而愈

○一宋工部午後有熱遇勞遺精其齒卽痛此脾腎虛熱先用補中益氣送六

味丸更以十全大補湯而愈

○一男子齒浮作痛耳面蠶色口乾作渴日晡則劇此脾虛弱也用補中益氣

湯加減八味丸而愈

○一男子口臭牙齦赤爛腿脚痿軟或用黃栢等藥益甚時或口鹹此腎經虛熱余用六味地黃丸而瘥

○一男子每足發熱牙即浮腫此足三陰虛火用加減八味丸而不復作

○一論腎氣虛寒牙齒作痛面色顰黑精神憔悴脚膝無力飲食少思或痰氣上升小便頻數齒不堅固或口舌麻悶畏飲冷水以八味丸數服而安

○一治胃中客熱牙疳去血口臭齒齦腫痛傷爛

甘露飲 枇杷葉 石斛 黃芥 枳壳 天門冬 麥門冬 生地黃

甘草 熟地黃 山茵陳 右剉水煎服

○一李小學患滿口牙齒疼痛潰爛動搖飲食不下乃牙疳也諸醫不效忽遇

一道人傳方一擦即愈 川椒炒一牛 銅青一牛 硼砂一牛

右三味爲末每少許擦患處流涎立已

○一治牙疳根肉臭爛黑色有蟲作痛

雞內金即雞胗內粗皮 白芷五牛 銅青一牛 麝香一分



右為細末用溫鹽水漱口貼患處

○一治牙疳臭爛久不愈

白珊瑚錢一白礬枯一麝香五青黛三輕粉二雄黃二水片一分

右為細末候睡去時以竹管引藥吹在牙疳上或以雞翎掃敷之

○一論牙痛或腫風牙蟲牙動牙長痛不可忍 宋知府傳

馬蜂窩 白蒺藜 花椒 艾葉 蔥頭 荆芥 細辛 白芷各等分

右剉散醋煎口噉良久吐出即瘥

○一治牙痛蟲蛀不已諸藥不効者

救苦丹 蟾酥三分剉細乳汁些 雄黃二分 細辛二分 水片二分

右將酥乳調和細細納在蛀牙孔內或痛牙齦縫中口史涎任流出之

內服加味清胃散

○一方治蟲牙腫痛用雄黃二分麝香少許搽於蟲孔中蟲死痛止

○一治風牙蟲牙作痛

用黃蜂窠一箇以花椒填滿其窠以白鹽一錢封口燒存性入白芷羊脛骨灰各一錢同研爲細末先以清茶漱口淨然後以藥擦之及敷痛處如有蟲蛀孔作痛以少許塞孔中立驗

固齒明目烏鬚黑鬚良方

牙痛胃火 厚味所起 齒動腎虛 房勞過矣 補腎牙牢

清火痛止 節慾甘淡 何疾不愈 經驗良方 擦牙固齒

明目烏鬚 香口潤體 久而用之 其妙無比

何首烏 黑豆拌蒸一次牛腰拌蒸一次四兩 早蓮草 四兩 槐角 黑豆煮汁拌蒸四兩 懷生地黃 酒拌砂鍋內蒸一日

至黑 碎補 刮去皮毛炒七次一兩五錢 青鹽 二兩 沒石子 公母成對二兩

右共爲細末每早擦牙滾水漱口能用於鬚髮未白之先可免染鬚之勞烏鬚黑髮百歲不白固齒牢牙永世不落真仙方也

牢牙固齒烏鬚黑髮秘方 臨川劉雲萊傳

沒石子 四錢 青鹽 二兩 細辛 一兩 地骨皮 二兩 熟地黃 二兩 破故紙 炒

石為細末每早擦牙良久滾水嚥下

擦牙烏鬚方 本縣丁侯傳 白茯苓去皮細辛 牙皂炒成灰 五倍子炒黑

右各等分為細末頻頻擦牙日久鬚白轉黑

○一擦牙固齒牙宜口臭烏鬚黑髮 吏部吳繼疎試効

旱連草陰乾切 香附米四兩

右二味入砂鍋炒黑存性為末擦牙

○一固齒烏鬚 王斗岳

青鹽炒一兩 槐角子炒一兩 牡丹皮酒洗一兩 破故布酒炒七錢 細辛酒洗五錢 沒石子三錢

百藥煎二錢 熟地黃酒浸晒乾一兩 右共為末每早擦牙嚥下

○一擦牙防齒患

取青槐枝槌半碎半斤水四碗煎二碗去渣入好鹽一斤煮乾更將鹽炒

研細擦牙溫水漱口吐水洗眼目明齒固

修合日期 五月五日 六月六日

# 眼目

脉左寸脉洪數必火炎上也關弦而洪肝火盛也○右寸關俱弦洪肝木夾相火之勢而來侮所不勝之金而制已所勝之土也

夫天運拂經則兩曜薄蝕人身違和則兩目昏是眼目之在人猶日月之在天明則其常而昏則其變也一身之中惟目最爲貴重者臟腑之精華悉焉血脉之宗會繫焉東垣曰按陰陽應象論云諸脉皆屬於目又曰目得血而能視五臟六腑之精氣皆上注於目而爲之精精之窠爲眼骨之精爲瞳子筋之精爲黑眼血之精爲目窠之總絡氣之精爲白眼肌肉之精則爲約束裹攝筋骨血氣之精而與之併而爲系上屬於腦後出於項是故瞳子黑眼法於陰白眼赤目法於陽故陰陽合德而爲精明也是以五臟六腑十二經脉三百六十五絡其血氣皆眞受於脾土上貫於目而爲明故曰者心之使也心者神之舍也若精神亂而不守卒然見非常之怪邪中其精則精散則



視岐觀一物爲兩也因事煩擾飲食失節勞役過度致脾胃虛弱心火太盛則百脉沸騰血脉逆行經曰天明則日月不明邪害空竅是也董院使云目之首尾赤者屬心其滿眼白睛屬肺其烏睛圓大屬肝其上下肉胞屬脾而中間黑瞳一點如漆者腎實主之是隨五臟各有證應然論其所主也瞳子之關繫重焉何以言之口者肝腎外候也肝取木腎取水水能生木子肝母腎焉有子母而能相離者哉故肝腎之氣充則精彩光明肝腎之氣乏則昏蒙眩暈烏輪赤暈刺痛浮漿此肝熱也瞻生清淚枯黃遠睛此肝虛也瞳人開大淡白偏斜此腎虛也瞳人焦小或帶微黃此腎熱也又曰白睛帶赤或紅筋者其熱在肺上胞下胞或目昏間如疥點者其熱在脾又曰眼者輕膜裹水照徹四方逆源反本非天一之水入目實爲之主宰乎析而論之則拘急牽颺腫青胞白痒而清淚不赤不疼是之謂風眼烏輪突起胞便腫紅眵淚濕漿裏熱刺痛是之謂熱眼渾而淚胞腫而軟上壅朦朧酸澁微赤是之謂氣眼其或風與熱并則痒而浮赤風與氣搏則痒澁昏沉血熱交聚故生淫

膚粟肉紅縷偷針之類氣血不勻故有眇視胞垂雀眼盲障之形淡紫而隱紅者爲虛熱鮮紅而兼赤者爲實熱兩皆呈露生努肉者此心熱血旺白睛紅膜如紙傘者此氣滯血凝熱證瞳人內湧白睛帶濕色浮而赤也冷證瞳人青綠白睛枯槁氣沉而濁也眼熱經久復爲風冷所乘則赤爛眼中不赤但爲痰飲所注則作痛肝氣不順而夾熱所以羞明熱氣蓄聚而傷胞所以胞合劉河間曰在腑則爲表當除風散熱在臟則爲裏當養血安神如暴失明昏澁翳膜眵淚斑八眼此風熱也一云斑入眼此肝氣盛而發在標也宜表散以去之如昏弱不欲視物內障見黑花瞳子散大皆裏也血少勞神腎虛也宜養血補水安神以調之觀諸公所論治療之法大槩以清心涼肝調血順氣爲先不可固執水能生木之說而偏補養蓋腎水惡燥設遇虛證亦不過以當歸地黃等藥潤養之輕則溫補之亦可也况夫肺能發燥肝亦好潤古方率用杏仁乾柿館糖沙蜜爲佐果非潤益之意乎抑且脾者諸陰之首目者血脈之宰也故脾虛則五臟之精氣皆失所司不得歸明於目矣心者

君火也主藏神明宜靜而安相火化行其令相火乃胞絡之火主百脉皆榮於目既勞役妄動又因邪氣所併而損血脉是故諸病生焉翳目者雖宜養血安神又當兼理脾胃乃良法也至於退翳一節尤關利害凡翳起於肺肺家受熱輕則朦朧重則生翳有曰真珠翳狀如碎米者易散有曰梅花翳狀如梅花者難消雖翳白熱生然治法先退翳而後退熱者謂熱極生翳若先去赤熱則血爲之凝而翳不能去其有赤眼與之涼藥過多又且滌之以水不反掌而水凝眼特一團水耳水性清澄尤不可規規於點洗緣其喜怒失節嗜慾無度勞役眼力泣涕過傷凌寒衝風當暑冒日不避烟火飲啖諸多此皆患生於臟腑者也專事點洗可乎哉在乎察受病之因究標本之理推明運氣以調之斟酌藥餌以平之患者又能靜坐間居澄神息慮節飲食戒色慾專內視簡外觀愛護身心則無有不安者矣

○一論暴發眼腫如桃并赤眼痛澁難開者

祛風清熱散



當歸尾 赤芍 芎藭 生地黃 黃連 黃芩 梔子 連翹

薄荷 防風 荆芥 羌活 桔梗 枳壳 甘草 白芷稍

右剉一劑燈草七根水煎食後服○腫痛甚加大黃芒硝○風熱加蔓荊子

牛旁子○烏珠痛加天麻川烏生用○犯眼加蒼朮朱砂○眼生翳障加白

蒺藜○眼目被人打傷青腫加大黃○如杖瘡腫痛未破作增寒壯熱或打

重血氣攻心加大黃桃仁○如打撲傷損內重瘀血不散加桃仁大黃服之立愈

○一論治眼暴發赤腫臉高苦痛不可忍者

救苦湯

連翹 桔梗 紅花 細辛各三分 當歸身夏月減半 甘草炙各一分

蒼朮米泔浸 龍膽草各一分 羌活太陽升麻陽明 柴胡少陽 防風

藁本 黃連各二分 生地黄 黃柏 黃芩 知母各三分 川芎六分

右剉一劑水煎臨臥服

○一洗火眼赤眼暴發腫痛不可忍者 黃連 黃柏各三分 生白礬一分



右剉膠棗一枚煎水半鍾洗之立消

○一治眼暴發爛弦風眼

用皂礬不拘多少瓦器盛於三伏內晒之至白色須晒十餘日乃好再入黃連末十分之一每用少許水和帛隔洗眼立効

○一治眼暴發腫痛

用白礬枯過為末每用三錢以生姜去皮取自然汁調如膏抹帛上令患人閉目將藥貼眼上燒一炷香盡痛即止用溫水輕輕洗去神効

○一治火眼腫痛

用青礬炒三錢黃土六錢各為細末并花水調作二餅子如眼大先將水洗淨眼次用帛貼眼上後用餅子貼帛上病人仰睡用水潤餅餅如乾再潤二時即已

○一治眼暴發赤腫痛淚隱澁難開

用大黃末新汲水調塗兩眉正上頭兩腦水潤之須臾腫消痛止

○一治法如前

用黃連末五錢薄荷二錢為末用雞清和隔紙塗眼上良久  
乾則以水潤之即効  
 ○一論凡眼疾暴發新久腫痛不可忍者皆緣心家火起所致也并治一切障翳等疾  
 光明丸 李中山傳

生地黃 白芷 羌活 獨活 甘草 薄荷 防風

荊芥 木賊 甘菊花 草決明 黃連 黃芩

黃柏 大黃 連翹 桔梗 各二 歸尾 川芎 各三

右十九味為末煉蜜為丸如菉豆大每服三五丸白熟水送下清早晚上各進一服

○一論暴發眼

瀉火升陽湯

黃連八分 人參七分 甘草五分 柴胡五分 梔子二 菊花二 枳實六分 甘枸杞子二

當歸三 黃芩二 川芎三 升麻八分 薄荷二 藜木二 生地黃三 龍胆草二

右剉一劑用水一鍾酒一鐘煎至一鐘臨臥服渣用水三鐘煎至一鍾溫服

即愈如未全愈將第三次渣用水二鍾煎至一鍾溫服忌魚雞

○一論內障眼得之脾胃元氣虛弱心火與三焦俱盛飲食失節形體勞役不得休息故上爲此症也

### 冲和養胃湯

黃芪

一个小五分

人參

一个小五分

甘草

灸一个小五分

當歸

酒洗一个小

白朮

去芦一个小

白芍

酒炒六分

防風

五分

白茯苓

三分

柴胡

七分

升麻

一个小

葛根

一个小

羌活

一个小五分

黃連

七分

黃芩

七分

五味子

二分

乾薑

一分

右剉一劑水煎稍熱服

○一論肝主目肝受熱則不能視血弱則肝氣無以榮養肝氣不榮則有花也久視艱澀大皆赤色此血不足肝之失養也迎風有淚腎之虛也黑睛上有翳不散此亦因勞受風血弱不能行也宜服此藥補肝血滋胆水益腎氣大殊効

### 家傳養肝丸

羚羊角

銹另研五小

生地黃

酒浸熟地黃

肉苁蓉

酒洗

甘枸杞子

防風

去

草決明

炒

菊花

羌活

當歸

酒洗

沙苑蒺藜

炒各一兩

楮實子

炒五

羊子肝

小肝葉煮燻乾爲末

右爲細末煉蜜爲丸如梧子大每服五十九加至七十九至百九早鹽湯下

午茶下臨臥酒下不飲酒人當歸湯下即補肝重明丸去赤芍甘草

○一論素稟虛弱勤勞眼目昏暗

當歸酒洗一白芍酒炒一川芎一黃柏人乳浸炒一生地黄二龍膽草酒洗

蜜蒙花五分白朮去芦一人參分五知母炒一克蔚子一黃芩酒炒

右剉一劑水煎服

○一論病目用涼藥過多以致隱澁難開

防風分七黃芪一甘草分五蔓荊子分三當歸分五白芷分二升麻分七柴胡五分

右剉一劑水煎服

○一論日晡兩目緊澁不能瞻視此元氣下陷也

補中益氣湯方見內傷依本方倍參

○一論腎水枯竭神光不足眼目昏暗此壯水之主以制陽光

壯水明目丸

熟地黄一兩山藥二兩澤瀉八分山茱萸酒蒸取肉白茯苓去皮川芎三



牡丹皮 八錢  
當歸 酒洗 一兩  
生地黄 五錢  
蔓荊子 一兩  
甘菊花 五錢

黃連 五錢  
柴胡 三錢  
五味子 五錢

右為細末煉蜜為丸如梧子大每服五十九酒送下

○一論遠年近日爛眩風眼翳障青盲腫痛白病

點眼仙方 臨州馬伏所傳

麩仁 三錢淨去皮將竹紙碾去油方入藥  
用筆筒捲帛將藥鋪帛上重層捲碾  
珍珠 二分五厘生用細帛包打碎研

琥珀 二分生用帛包打碎研  
熊胆 一分五厘生研  
牛黃 一分生用  
麝香 半分生研

片腦 一分五厘生研  
蜂蜜 三錢五分用溫化  
濾去渣

右先秤眼藥罐次加蜜秤後入藥攪已上八味和勻點眼

○一論暴發風熱時行火眼神效

紫金錠 陳省齋秘傳方

川黃連四兩剉粗末將井花水十鍾浸二三日入鍋煎至三鍾去渣再熬

至半鍾下水膠一錢二分溶化調後藥為錠

銅綠五錢 輕粉二錢 官粉三兩

右共為細末以黃連汁調為錠陰乾用時以井水磨加熊膽五分水片七

○一論兩目翳障爛弦風熱昏朦色眼皆治

光明散 蘆甘子 上好的用四兩 珍珠四錢

右二味用竹帛包定將新領銀紫泥罐作餅包石珠在內為丸外用熊膽一錢硼砂二錢火硝三錢研末為衣再用紫泥罐包裹晒乾用炭灰煨煉以七根線香為度煉四炷香用童便淬之浸黑色為妙又煉根半香以好醋淬之又煉根半香歇火聽用前煉過末藥一錢加熊胆一分火硝一分為極細末點眼其效如神

○一論遠年近日內障青盲雲翳堆睛火眼暴發迎風冷淚怕日羞明肝腎虛邪等疾點之悉愈能治七十二種眼疾能醫二十年目不通明者惟有喘人反背而驚散者不治

仙傳珊瑚紫金膏 薛兵巡秘傳

白蘆花南方出名羊腦青甘童便浸七日用灰火第銀香揀淨去皮

黃丹高者名國丹滾水飛過三海螵蛸即烏賊魚骨刮去皮甲

乳香光明者入砂鍋微火炒出烟細研二錢沒藥光明者入砂鍋微火炒去烟細研二錢白礪砂明淨者二錢

青鹽去泥土細研五分片腦細研三分

右將前七味各研細秤足合一處入乳鉢內再研極細無聲後入麝香二味再研極勻將蜂蜜用絹袋濾過熬蜜滴水成珠夏老冬嫩春秋酌老嫩之間用蜜調藥令稀稠得所磁器內封固不可泄氣點眼神効

○一人兩目作痛服降火祛風之藥兩目如緋熱倦殊甚余用一全大補湯數劑諸症悉退服補中益氣湯兼六味丸而愈復因勞役午後目濇體倦服十全大補而痊

○一人年二十素嗜酒色兩目赤痛或作或止兩尺洪大按之微弱余謂少年得此病自當失明翌早索途而行不辨天日眾皆驚異余以六味丸料加麥門五味一劑頓明



○一人目亦不明服祛風散熱藥反畏明重聽脉大而虛此因勞心過度飲食失節以補中益氣加茯神酸棗山藥石棗五味頓愈又因勞役復甚用十全大補兼以前藥漸愈却用補中益氣湯加前藥而痊

○一儒者日晡兩目緊澁不能瞻視此元氣下陷用補中益氣倍加參芪數劑而愈

○一論眼病之後微有上執白眼紅多眩淚每疼痛而隱澁難開此苦寒太過而真氣不能通九竅也故眼目昏花不明以益氣湯去參朮陳加防風白芷蔓荆子

○一論內障眼得之元氣脾胃虛弱心火與三焦俱盛飲食失節形体勞役不得休息故上為此症也以益氣 連黃芩乾姜五味去陳皮

○一論諸般翳障攀睛肉內障青盲等症

益府秘傳撥雲龍光散

麩仁五兩去粗壳取仁用濕水浸去嫩皮膜尖心用 牛黃二分五厘

上好白竹筒包裹搥去油以白為度用五錢

白朱砂即好白細磁器五六錢重用頭醋醋一碟將磁器以砂罐盛於炭火內燒紅先投入醋內以七次為度又用童便一碟燒紅投便內以七次為度又將醋重便合一碗又燒紅投人以七七

次為度先將磁器爛以水澄淨用中間的陰乾五分



好珍珠

凡九分將雜難一宿殺雞取出珠用豆腐

隻以珠入雜肚內過用少

二五五分

琥珀五分

真能膽

三分以磁瓦盛放火上

砂

三四分將冷水一碗以火煮乾為度用一分

當門子 白丁香

一分

海螵蛸

水煮過六七次

水片

一分

人龍

用男人孩子口內吐出食虫即用銀簪破開河水洗刮淨陰乾

二分

右精製一處細研任意點眼盲者復明古今天下第一仙方不可

秘之秘之

安傳匪人

一治氣血虛損眼目昏暗此壯水以制陽光有快服寒涼之過聖暗全不通

路以下全大補湯加沉香大附子白豆寇

東垣謂目能遠視不能近視火盛而水虧也法當補腎六味地黃丸主之目能

近視而不能遠視有水而無火也法當補心定志丸加茯苓主之又曰不能

近視晨服地黃丸不能遠視臥服定志丸是以道手足少陰經也是以知不

能近視者腎水虧火盛也不能遠視者心血不足也

定志丸

遠志 主心

石菖蒲 各二人

參 二兩

白茯苓 三兩

加白茯苓 二兩

右為末煉蜜為丸朱砂為衣每服二十九米湯下

六味地黃丸 方見補益

# 喉痺 聲啞 疰腮

脈雨寸脈浮洪而溢者喉痺也。脈微而伏者死。

內經曰一陰一陽結謂之喉痺。一陰者手少陰君火心主之脈氣也。一陽者手

少陰相火三焦之脈氣也。二脈並絡於喉氣熱則內結結甚則腫脹腫脹

甚則痺痺甚則不通而死矣。夫推原十二經惟足太陽則下項其餘皆湊于

喉龍然內經何獨言一陰一陽經為喉痺蓋君相二火獨勝則熱正絡故痛

者速也。余謂一言可了者火也。故十二經中言喘乾噎痛喉腫領舌本強皆

君火為之也。惟咽痺急速相火所腫為也。夫君火者猶人火也。相火者猶龍

火也。人火焚木其勢緩龍火焚木其勢速。內經之言喉痺則與咽舌其兩間

其病同於火故不分也。後之醫者各詳其狀強立八名曰帶乳蛾雙乳

脹木舌脹纏喉閉走馬喉閉熱氣上行故轉於喉之兩傍近外腫作

以其形似是謂乳蛾一為單二為雙其比乳蛾差小者名喉閉熱於舌下復  
生以小舌子名曰子舌脹熱結於舌中舌為之腫名曰舌強而不柔也  
熱結於咽喉腫遠於外且麻且痒腫而大者名曰下喉風喉痺暴發暴死者  
名曰走馬喉風此八種之名雖詳若不歸之火則相去遠矣其微者可以鹵  
裏之而大者以文散之今之醫者皆有其藥也如薄荷烏頭爛壘白礬朴硝  
銅綠之類也至於走馬喉痺何特此乎其生死人反掌之間耳且最不誤人  
者無如針出血血出則病已易口血去揚出良以此乎昔余治一婦人本  
舌脹其舌滿口諸醫不愈令以緋針小而銳者疔之五七度腫減三日乃平  
計所出血幾至盈寸又治一男子纏喉風腫表裏皆作藥不能下余以涼藥  
灌於鼻中下十餘行外以拔毒散傳之陽起石燒碎與伏虎肝各等分細末  
之以新水掃白遍三日熱始退腫始消又嘗治一貴婦喉痺益危火也雖用  
涼劑而不可使令服為龍火宜以火逐之人火者烹飪之火是也乃使曝於  
烈日之中登於高堂之上令侍婢携火爐坐藥銚于上使藥常極熟不至太

沸通口時<sub>匕</sub>呷之百餘次然火自散此法以熱行寒不為熱而汗格故也大抵治喉痺用針出血最為上策但人畏針委曲旁求瞬息喪命凡用針而有針創者宜搗生姜塊調以熱白湯時<sub>匕</sub>呷之則創口易合銅人中亦有灸法然痛微者可用病速者恐遲則殺人故治喉痺之人與救人同不容少待內經火鬱發之發謂發汗喉咽中豈能有汗故出血者乃發汗之一端也後之君子毋執小方而曰吾藥不動臟腑又妙於出血若幸遇小疾而獲効不幸遇大病而死矣毋遺後悔可也

○一論喉痺危急死在須臾牙關緊急

病人六指外邊指甲下根不問男左女右只用銜針針之令血出即効如大段危急兩手大指俱針之其功尤捷

○二論治不測急慢喉痺咽喉腫塞不測

關神効散

盆硝

細研白僵蚕

炒去青黛 甘草 生八

麝香 一分

瀉黃

五分馬勃 三分

片腦 一分



石各爲細末秤足同研極勻磁盒收貯如有病症每用藥一錢以新汲水少半盞調勻細細呷嚥如是喉痺卽破出血便愈如不是喉痺自然消散若是諸般舌脹用藥半錢以指蘸藥擦在舌上下嚥津唾如是小兒一錢作四五服亦如前法用並不計時候

馬勃一名馬光菌也虛軟如紫絮彈之紫灰出狀如狗肺生濕地園中久腐處王忠瘡馬疥傅諸瘡良以蜜揉拌以調呷治喉痺咽痛

○一論咽喉腫痛痰涎壅盛初起或壯盛人上焦有實熱者可服

清咽抑火湯

連翹一錢五分 片苓一錢 梔子一錢 薄荷七分 防風一錢 桔梗一錢 朴硝一錢

黃連一錢 黃柏五分 知母一錢 立麥一錢 牛勞子一錢 大黃一錢 甘草五分

右剉一劑水煎頻頻熱服○聞生過楊梅瘡者加防風山奇糧二兩

○一論虛火上升喉痛并喉内生瘡喉閉熱毒最能降火滋陰

滋陰降火湯 當歸一錢 川芎一錢 白芍二錢 川黃柏一錢 懷熟地黃一錢

知母生一錢 天花粉一錢 甘草生三錢 加玄參一錢 白桔梗法茹

右剉一劑水煎入竹瀝一盞溫服

○一論喉痺腫痛聲啞不出飲食不下陰虛相火上炎咳嗽痰喘癆瘵虛勞

症內服此藥外以神仙通隘散吹之即愈

磁陰清火湯

懷熟地黃一錢 山茱萸一錢 白茯苓一錢 山藥一錢 澤瀉一錢

黃柏一錢 蜜水炒 桔梗一錢 牡丹皮一錢 天門冬一錢 甘草一錢 麥門冬一錢

知母一錢 右剉一劑水煎溫服外用硼砂一味噙化嚥下降痰消瘰如神

○一論咽喉腫痛屬素虛弱者或服涼藥過多而作瀉者皆可服

清上養中湯

小甘草 桔梗一錢 玄參 當歸 黃芩一錢 陳皮一錢 白朮一錢

白茯苓一錢 皮麥門冬一錢 心連翹一錢 人參 防風 金銀花各五

右剉水煎食遠頻服有痰加貝母

○一論喉痺腫痛不能言語或吐或瀉或不食或四肢冷痺但可進藥無不愈

者此從治之法也

通漏散

炙甘草一錢五分

人參

白朮去

白茯苓去

桔梗

防風七分

薄荷各五

乾薑炒 刺芥

或加大附子炮各五分右剉水煎頻頻與服

○一論喉痺雙單乳蛾風腫吐嚔不下死在須臾治一切喉痺之總司也山豆

根為末用熊胆和為丸用雞胫皮陰乾研末為衣丸如菉豆大每用一丸

放舌上徐徐嚔下立愈

○一治喉風等症

起死回生散

蜈蚣二錢焙存性

膽礬一錢

全蝎二錢焙存性

蟬退一錢焙存性

增酥三錢

僵蠶去絲絹炒一錢

穿山甲三錢

乳香五分

川烏尖一錢

右為末每服一錢五分或二錢小兒服一分或六七釐用葱頭搗爛和某酒

送下出汗為度如口不開灌服忌雞猪羊油麪七日

○一論雙蛾風喉喉痺腫痛水壞不八死在須臾

膽礬一錢

硼砂一分

雞內金一錢

枯白礬二錢

百草霜三錢

以米水調

右各為細末用絹羅過用中指盛藥按上患處久嚙冷疼多去後用薄荷湯漱口如甚將我鷓鴣刺破用藥按上或用鷓鴣毛蘸醋帶藥刷上滿口刷攪引痰出盡則愈○一方加熊胆五分更効

○一論喉風腫痛幾死 雙橋周嫺家屢驗 茶子 霜梅 醃醋

右三味研爛去渣將藥汁蘸掃咽喉即時吐痰而愈

○一論喉痺腫痛湯水不下死在須臾用此一吹即活

牛黃二分 硼砂一錢 雄黃二分

右為細末每用一分五厘吹入喉內

○一論喉痺腫痛 車左源傳効

鬱金一錢 雄黃五分 巴豆肉去壳四个生用二个二个用猪油包打上火熟存性

右為末三味攪勻每用一分二厘入竹筒內患處小兒用六厘

○一治喉閉風閉難治者

猪牙皂角一條用蜜調和水煎如急立服緩則露一宿尤妙如倘口緊者



擊開灌之須將危者即甦

○一治喉風危急 用大黃為末竹筒盛之安青魚胆七個人未待乾研末

聽用遇患喉痺吹入鼻中或喉中立効

○一論時氣纏喉漸入喉塞水穀不下牙關緊急不省人事

神應散

雄黃

枯礬

藜蘆生用牙皂灸黃

右各等分為細末每用豆大一粒吹入鼻內吐痰神効

○一論喉痺乳蛾咽喉腫痛湯水不入死在須臾

巴豆去壳搗為末入細辛末少許同研勻捲在帛內中間剪斷如左患塞

右鼻右患塞左鼻孔雙腫左右相替塞之咽喉立開神効

○一論喉痺腫痛水漿不入死在須臾

先以皂角細辛為末擦牙次用陳鹽松葉燒灰霜梅肉生艾葉搗爛同扎

於快頭上蘸喉數次吐痰盡即食白沸湯後用米粥調服

○一治咽喉腫痛

百藥煎

硼砂

甘草

生白礬各等分

右四味爲細末每服一錢食後米飲調細細呷

○一論纏喉腫痛 皂角爲末醋調塗外頸上乾則易其乳蛾即破而愈

○一論喉風腫痛不可忍者

霜梅五七箇去核白礬二兩研爛用好醋一碗入藥同煮以礬化爲度待

溫用快北綿繳齒上下至喉先繳牙外自外而繳至舌下舌下又繳至舌

上繳至喉其痰自湧出痰帶絲者即愈無絲者絲斷不治

○一論喉閉壅塞不通者

用紅藍花搗繳取汁一小鍾服之以瘥爲度如冬月無濕花可浸乾者搗

絞取汁如前服効

○一論咽喉腫痛

吹喉散 周印池傳 牙硝一兩 硃砂五錢 雄黃二錢 冰片二分 殭蠶二錢

右共細末每用少許吹喉立効

○一治咽喉腫痛水吞不下 用青鹽白礬砂各等分爲末吹患處有裏時

○一論咽喉腫痛水漿不入死在須臾

真蟾酥為末用快頭點入對嘴上即時消散其効速如風

○一論久嗽喉痛

小太平丸

人參二分五味子三分天門冬去心二分麥門冬去心二分玄參八分微墨三分

右為細末煉蜜為丸嚙化下○痰盛加貝母

○一論勞役過傷忽咽喉腫閉不省人事喘促痰湧汗出如水肢體痿軟脉浮

大而數此飲食勞役無根虛火上促也

補中益氣湯

方見內傷依本方加肉桂頓甦

○一論咽喉腫痛口舌生瘡勞則愈甚此脾肺氣虛膀胱有熱也

補中益氣湯

方見內傷依本方加玄參酒炒黃柏知母稍愈去知柏加山茱萸

○一人咽喉痛服涼藥過多或過勞痛愈甚此中氣虛熱也

補中益氣湯

方見內傷依本方加炒芩連

○一論積熱上攻痰涎壅盛喉痛瘡腫痛難禁

上宮清化丸 內閣秘傳

黃連去毛 桔梗去苦各六錢 山豆根 粉草各四錢 薄荷葉一錢 白礬砂六分

右為細末煉蜜為丸如芡實大時常噙化

○一論喉痛有痰吐啞

薄荷二兩 細茶一兩 白礬砂七錢 烏梅肉二十 貝母二錢 冰片三分 孩兒茶五

右為細末煉蜜為丸如皂角子大噙化下

○一論聲啞 甘草 烏梅 桔梗 烏藥 右對水煎溫服

○一治出聲音方 訶子炮去核 木香一兩 甘草五錢

右對水煎入生地黄汁一合再煎數沸放溫分六服食後日進半料

○一論聲嘶失音

威笛丸 當歸酒洗 懷生地黃一兩 熟地黃二兩 天門冬去心 麥門冬去心

人參三錢 黃柏蜜炒 白茯苓一兩 知母五錢 訶子五錢 阿膠炒五錢

人乳一錢 牛乳一兩 烏梅肉十五 甜梨汁一兩



石爲細末煉蜜爲丸如黃豆大每服八九十九丸訶子湯下蘿蔔湯亦可

○一治失音 用槐花新瓦上炒熟懷之隨處細爵一二粒久久自愈

○一治失音 用生白礬煉蜜爲丸服効

○一治聲啞失音不出 用蜜入猪板油切爛入蜜內重湯煮熟食之

○一論疔腮腫痛 防風 荆芥 羌活 連翹 牛旁子 甘草各等分

右到水煎服外用赤小豆末醋調敷恐毒氣入喉難治○一方用石灰不拘

多少炒七次地下窰七次醋調塗腫處立愈

○一論治疔腮疔塔腫痛及吹乳 南薄荷 三錢 玃猫 去翅足炒

右爲末每服一分燒酒調下立消服藥後小便頻數服益元散一服

○一治卒喉中生肉以綿裹快頭蘸鹽搽肉上日六七度易

○一人患喉閉以防風通聖散治之腫不能嚥此症須針之或無奈牙關已閉

遂刺少商穴出血口即開更以膽礬吹患處吐痰一二碗許仍投前藥乃愈

嘗見患此疾者畏針不刺多斃少商穴在手大指內側去爪甲角如韭菜許

○一人喉閉腫痛寒熱脉洪數此少陰心火少陽相火二經爲病其症最惡惟刺患處出血爲上因彼畏針先以涼膈散服之藥從鼻出急乃願刺則牙關已緊不可針遂刺少商二穴以手勒去黑血口卽開仍刺喉間治以前藥及前吹喉散吹之頓愈又以人參敗毒散加芩連立參牛旁子四劑而平經曰火藥發之謂發汗出血乃發汗之一端也河間云治喉之火與救火同不容少怠嘗見喉閉不去血喉風不去痰以致不救者多矣每治咽喉腫痛或生瘡毒以荆防敗毒散加芩連重者用防風通聖散

○一男子口舌常破如無皮狀或咽喉作痛服諸涼藥愈甚予以理中湯嘔乃

○一人脚發熱則咽喉作痛內熱口乾痰涎上壅此腎經虧損火不歸經用補中益氣加麥門五味及加減八味丸而痊

○一人患喉痛日晡益甚此血氣虛而有熱用八珍湯而愈後每入房發熱頭痛用補中益氣湯加麥門五味及六味丸常服後不復作

○一丹溪先生云咽痛屬血虛用四物加竹瀝陰虛火上炎者必用玄參氣虛

加人參竹瀝又云咽喉腫痛有陰虛陽氣飛越痰結在上者脉必浮大重取必瀆去死爲近宜人參一味濃煎細細飲之如作實症治之禍如反掌此發前人之未發救無窮之天枉

○一人因怒氣大叫將下腮脫落任掇不上衆視措手予以烏梅搥餅塞於兩腮坐牙盡頭控處張口流涎須臾隨手掇上

### 補遺

○一治喉痛如生毒物并單蛾喉疔並治

巴豆半夏各等分將此二味用上好醋放小罐子裏煎熟取巴豆半夏一起研末用麻布包作數粒如豆子大以前醋浸之取一粒含在喉痛處至熱又換別粒含之直至吐瀉而後已既以稀粥補之而愈忌冷水猪油

○一利膈生津止渴清音常用之藥也

烏梅

一兩

蘇州薄荷葉

四兩

右爲細末白糖霜四兩蜜丸如芡實大每用一丸噙化

○一治喉風咽痛雙單乳蛾 姜師周傳

烏梅去核竹筴插在涎疳身上陰乾取燒灰存性為末點患處立已

○一治咽喉腫痛生瘡聲啞危急之甚及治虛勞聲嘶喉痛

神仙通隘散 賈蘭峰秘傳

白礪砂 二錢 孩兒茶 一錢 蒲黃 六分 青黛 一錢 牙硝 六分 枯礬 六分

白滑石 一錢 寒水石 一錢 片腦 二分 黃連 末五分 黃柏 末五分

右為末吹喉中立效

○一治喉中熱毒腫痛喉閉乳蛾等症

清上丸 熊胆 一分 雄黃 五分 礪砂 一錢 薄荷葉 五錢 青鹽 五分 膽礬 少許

右為末煉化白沙糖為丸如芡實大臥時舌壓二丸自化入喉神效

○一治聲音不出 真蘇子 二兩 柯子 三个 杏仁 三十个 百藥煎 二兩

右為末每服二三錢熱酒調下

○一要欲好聲音



用杏仁一升熬去皮尖酥一兩蜜少許為丸如梧子大空心米湯送下五九

○一治失音 皂角一枚去皮子蘿蔔三個切片水煎服之不過三服能語

# 結核

結核者火因痰注而不散鬱結堅硬如果中核也或在頸脇或在手足或在頭

額或在臂在腋如腫毒不紅不痛不作膿不必潰發但令熱氣散核自消大

法宜二陳湯加竹瀝多服為効

核氣者窒碍於咽喉之間咯之不出嚔之不下如梅核之狀者是也始因喜

怒太過積熱蘊隆而成屬痰鬱結致有斯疾耳治宜導痰開鬱清熱順氣加

陳皮半夏川芎香附山梔黃芩枳殼蘇子之類是也如老痰凝結不開以鹹

能軟堅之藥海石是也

○一論咽喉結核成塊如核桃者腫硬疼痛四肢下俱有及頸項腫硬不能藥

消解散 南星 泡半夏 陳皮 枳實 桔梗 前胡 柴胡 黃連

連翹 赤芍 防風 獨活 莪朮 木通 蘇子 甘草 白附子

白芥子 蔓荊子 右劉生姜燈草煎服

○一論不問男婦遍身疙瘰成塊如核不紅不痛皆痰流注而成結核也

醉翁仙方 方上異人傳

白頭翁一斤去葉用根分作四服每一服四兩用酒煎一日三次服之

日服盡而已

○一秘方 治症同前効不可言

草麻子一斤去壳用肉入放公猪肚內酒煮肚爛為度取出草麻子晒乾

為末用前爛猪肚搗十下為丸酒送下一日服三次

○一論婦人遍身痰核不紅不腫不疼內治之劑

陳皮 半夏 白茯苓 當歸 川芎 白芍 枳實 黃連

香附 桔梗 龍胆草 連翹 防已 羌活 柴胡 甘草

右劉生姜三片水煎服

○一論結核渾身手足俱有核如胡椒者并治胸中胃脘至咽門窄狹如線疼  
痛者此風痰氣熱所致也

開結導痰湯

陳皮一分半夏七分枳殼一分

枳實七分桔梗五分

前胡八分黃芩一分香附三分

童便浸

荆芥七羌活七木香五

板榔八分殭蚕八分

射干七甘草七分威靈仙七分

右到一劑生姜三片煎服

○一論痰核氣核炸腮疔瘡及吹乳等症

內消散 朱賓湖得效 南薄荷葉三斑猫去翅足炒三分

右為末每服三分燒酒調下立消服之後小便頻數服益元散以烏雞子清

丸如菜豆大每服一九茶下加至五九却每日減一九減至一九後每日服

五九治癭瘰各內消丸

○一論痰核方 庠生介石伯傳

歸尾一兩赤芍稍五連翹一兩藁朮七分細辛八分羌活一兩獨活一兩防風一兩

五

五

五

五

五

五

五

五

荆芥八小川芎六薄荷一白芷稍桂枝一赤芍一甘草節六

右為末每服二三錢食後酒調服

○一論痰核在喉嚨上下或生在兩腋下并治瘰癧 庠生敏所兄傳

防風一山慈孤一川山甲七射干一紅內銷一白芷稍烏藥一連翹

車前子一漢防已一何首烏一牛旁子 薄荷一金銀花 桔梗各一

獨活一姜蚕一半夏一赤芍五貝枯草各二皂角刺二

小川芎一當歸尾一甘草五

右剉加水煎食後服○有潮熱加柴胡黃芩各五

○一男子素善怒在項微腫漸大如升用清痰理氣而大熱作渴小便頻濁余

謂腎水虧損用六味也 補中益氣而愈亦有胸脇等處大如升汁或破

如菌褶不問大小俱治 前法必多服以愈為度

補遺

一治痰瀝妙方 陳栢



天花粉三兩 昆布酒洗八兩 貝母一個 姜蚕炒一兩五小 全蝎酒洗五個 黃連炒五小 知母一兩

蒲公英二兩 陳皮一兩 青皮炒一兩 歸尾七小 黃芩酒炒一兩 梔子二兩五小 紅花五小

土木鱉去壳十個 川山甲土炒一兩 連翹去心一兩五小 海藻酒洗一兩五小 夏枯草一分

右將前十七味君臣藥分作十劑其蒲公英夏枯草每服各照數用白水煎

臨服時加濃酒一杯同服

○一治痰核金星膏 蘇九寧傳

金星鳳尾草一兩五小 實竹葉一兩 葱白根二十 側柏葉二兩五小

右用香油一斤浸藥一日用火熬着藥焦黃為度用綿布袋瀘去渣仍入鍋

熬熟油一斤淨入上好鉛粉三兩用竹攪勻文武火熬看起烟黑色再入鉛

粉四兩着四五下鍋仍用竹不住手攪勻滴水成珠取起放在地土再攪去火毒

○一治痰核結核 陳出家傳

黃芩三分 枳實一個 蘇子一個 貝母一個 連翹一個 海帶七分

香附七分 桔梗七分 白芥子八分 甘草三分 右剉水煎食後服

○一治痰氣核

用栝子仁一斤晒乾為細末每用末二兩又將天門冬連翹心各用二兩為末入小布口袋內將白水酒二小瓶煨熟膏二三日食後每服一碗半月內即消

○一治痰氣核頸大戴雷門傳

牛旁子五分枳實五分殭蚕五分防風八分桔梗八分黃芩八分連翹八分貝母一分海藻洗一分金銀花一分枯礬一分夏枯草八分

右到一劑白水煎食後服

○一治痰核心泉娃傳

用黃泥作窩入生白礬四兩鹿角蛇一條在窩內陰乾火煨化為末每服一分溫酒調服立消

○一治項後側少陽經中疔瘡不變肉色不問大小及日月深淺或有赤硬腫

生山藥一掛革麻子一個去壳右二味研勻攤帛上貼之如神

○一治梅核氣

加減四七湯

蘇梗 陳皮 厚朴 南星 半夏 茯苓 枳實 青皮

白豆蔻

砂仁 神曲炒 檳榔 益智仁

右劉生薑煎服

# 瘦瘤

夫瘦瘤者多因氣血所傷而作斯疾也大抵人之氣血循環無滯瘦瘤之患如調攝失宜血凝結皮肉之中忽然腫起狀如梅子久則滋長瘦者五種曰石肉筋血氣是也瘤有六種曰骨脂膿血石肉是也治法瘦瘤二者切不可針破針破則濃漬漏則殺人惟脂瘤可破去脂粉即為巽不可輕易為余將瘦瘤之分于後醫者宜審辨之則不悞也

消瘦蕩

海藻洗

龍胆草

海蛤粉各二兩

通草

昆布燒存性

枯白礬

松蘿各二兩

麥麩一兩

白芷一兩 半夏二兩 五不

右為末每服五錢酒煎忌甘草蝦魚猪肉五辛諸毒等物又要吞礬蠟丸  
○一論治癰瘡癰疽便毒惡瘡久漏不愈者

經驗蠟磬丸

白礬生四兩為末黃蠟二兩溶化衆手丸如梧子大每服三十丸空心清湯下

○一論內府秘傳方 治瘰氣

海藻洗淨昆布洗淨海帶 海螺蛸 海粉過海螺醋淬甘草少許

右如項下搖者用長螺頸不搖用圓螺各等分為末煉蜜為丸每夜臨臥口中嚙化一丸功效不可言也

○一論繫瘰神方 兼去鼠竅痔及瘤同

用芫花根洗淨帶濕不可犯鐵器須於木石器中搗取汁用線一條浸半日或一宿以線繫瘰經宿則落如未落再換綿不過三次自落後用龍骨訶子赤石脂各等分為末敷瘡口即合如無根用芫花泡水浸線繫鼠竅痔依法用之無不効

○一論洗瘤秘方

用染指草各金鳳花一科煎水頻洗夏用鮮秋冬春用乾的煎水洗



○一治瘦驗方

沉香

乳香

丁香

木香

藿香各一錢五

右用臘月母猪眼子七箇同藥醉好酒煮一炷香露一宿連藥焙乾為末煉

蜜為丸如白果大臨臥嚙化服一料効

○一治頸下卒結囊欲成瘦者

海藻一斤洗去鹹酒浸飲之加昆布等分為之煉蜜為丸如杏核大含口中稍稍嚙下

中稍稍嚙下

○一治瘦消塊

沉香

木香

各二錢

橘紅

四兩

珍珠

四十九粒入砂罐內以益泥封口煨赤取出去

神効開結散

猪厭子肉

四十九枚用豚猪者生頃間如枣子大

右為末每服一錢臨臥酒調徐徐嚙下患小三五服大者一劑愈忌酸鹹油

賦滯氣之物須用除日於靜室修合

# 肺癰

脉寸口脉數而實者肺癰也其脉短而澹者自痊浮大者難治

得生泉元

四七

夫肺癰者由寒熱之氣內含於肺其氣結聚之所成也蓋因調理失宜勞傷血氣風寒得以乘之寒生熱風亦生熱壅積不散遂成肺癰咳而腦漏右脇隱痛二脚腫滿咽乾口燥煩悶多渴時出黃唾腥臭狀如糯米粥者難治有膿而嘔者不可治嘔膿盡而止則自愈若吐黃色膿臭或帶粉紅色者即肺痿也大抵脈細而沉裏虛而變症矣

○一論咳嗽吐膿血腥臭不可聞者肺癰也

黃芪蜜水炒 防風 金銀花 忍冬藤 金沸草 牛膝 桔槔各等分

右用鴨一隻縊死開破入前七味藥于鴨肚內用好酒煮酒盡為度吃鴨藥渣晒干為末酒調服後服淨膿湯

淨膿湯 此湯吃鴨後宜服

甘草四兩剉作大帖用水煎頓服如納不得吐出之服後

化痰止咳丸 桔槔二兩 百草霜一兩

右二味為末清水為丸每服三五丸人參五味子各三錢煎湯送下作三

○一論治肺虛

用白鴨一隻去內臟用薏苡仁杏仁各一兩入

鴨腹中飯上蒸熟去藥只用鴨肉吃大能補肺

○一論肺癰吐膿腥臭

用黃豆以病人口嚼不覺豆之氣味是肺癰也

○一論肺癰

以薏苡仁略炒為末糯米飲調服入粥煮吃亦可或水煎服宜下膿血而

釧肺丹

凡治肺癰必以此藥開而服之以護膈膜不致潰透心肺最為切當即蔡

蠟丸用蜜水送下方見癭瘰

# 肺痿

脉寸口脉數而虛者肺痿也

肺痿之候久嗽不已汗出過度重亾津液便如爛瓜下如豕脂小便數而不渴渴者自愈欲飲者欲瘥此由肺多唾涎沫而無膿者肺痿也

○一論肺癆咳嗽其証辟辟燥咳胸中隱隱而痛肺弱無力

意以仁散 當歸 白芍 黃芪 人參 五味子 麥門冬

黃芩 桑白皮 百部 薏苡仁 右劉生薑煎服

# 心漏

○一論胸前有孔常出血水者謂心漏也

## 鹿子丸

嫩鹿茸去毛酥 大附子炮去皮 花名等分

右為末棗肉為丸每服三十丸空心酒送下

○一論脇下生痛瘡如牛眼之狀膿水不止

用鹽少許安白牛乳內然後取耳中垢以傅瘡上即瘥如不用鹽即牛耳不痒難取其垢其諸漏瘡外用蒜切片放瘡上將艾灸之不論數次灸即愈

○一論漏瘡血水出不止

蛇皮燒灰 五倍子 龍骨各五錢 川續斷五錢

麝香 右為末 津唾調敷患處立止